

ქალაქი ბათუმი

25 ივლისი 2017 წელი

ერთის მხრივ აჭარის ავტონომიური რესპუბლიკის განათლების, კულტურისა და სპორტის სამინისტროს საქვეუწყებო დაწესებულება სპორტისა და ახალგაზრდობის საქმეთა დეპარტამენტის (შემდგომში „შემსყიდველი“), უფროსის ლაშა ჩავლეშვილის სახით და მეორეს მხრივ შპს „მარკა“-ს (შემდგომში „მიმწოდებელი“), წარმოდგენილი დირექტორის ირაკლი ლლონტის სახით, „სახელმწიფო შესყიდვების შესახებ“ საქართველოს კანონის და შპს „მარკა“-ს სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის SPA 170007737 შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინფორმაცია ფასების შესახებ“ – მიმწოდებლის მიერ ელექტრონული ტენდერის ფარგლებში წარმოდგენილი „ინფორმაცია ფასების შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანია ახალგაზრდულ საქმეთა სფეროს ხელშეწყობის პროგრამის ღონისძიების „ახალგაზრდული საზაფხულო ბანაკი“-ს ორგანიზება. (CPV 79952000)
- 2.2. მომსახურების ზუსტი დასახელება, რაოდენობა და ერთეულის ფასი განსაზღვრულია ფასების და მიწოდების ვადების შესახებ ინფორმაციით.

3. ხელშეკრულების ღირებულება

- 3.1. ხელშეკრულების ღირებულება შეადგენს 22278.40 (ოცდაორი ათას ორას სამოცდათვრამდეტი და 40) ლარს.
- 3.2. მომსახურების ერთეულის ღირებულება განსაზღვრულია ფასების შესახებ ინფორმაციით.
- 3.3. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მომსახურების მიწოდების ვადა

- 4.1. მომსახურების მიწოდებას მიმწოდებელი უზრუნველყოფს 2017 წლის 15 აგვისტოდან 20 აგვისტომდე.

5. მომსახურების მიღება-ჩაბარების წესი

- 5.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 5.2. შემსყიდველის მხრიდან მომსახურების მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირები.
- 5.3. მომსახურება ჩაითვლება მიღებულად მხოლოდ მიწოდებული მომსახურების მიღება-ჩაბარების აქტის გაფორმების შემდეგ.
- 5.4. შემსყიდველმა უნდა შეამოწმოს მომსახურება ხელშეკრულების პირობებთან მიმართებაში.
- 5.6. თუ მომსახურება არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.
- 5.7. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაუწუნებელი მომსახურების და წუნდების მიზეზის მითითებით.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.
- 6.2. შემსყიდველი ანგარიშსწორებას ახორციელებს მიმწოდებლის მიერ ხელშეკრულების 5.3. მუხლით განსაზღვრული წესით შედგენილი მიღება-ჩაბარების აქტის შესაბამისად შევსებული ან/და საგადასახადო ანგარიშ-ფაქტურის წარმოდგენიდან 10 სამუშაო დღის განმავლობაში.
- 6.3. მიმწოდებელი ვალდებულია წარმოდგენილ საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.
- 6.4. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის შესაბამისი ოდენობის საავანსო საბანკო გარანტია, რომლის მოქმედების ვადა 30 დღით უნდა აღემატებოდეს ხელშეკრულების მოქმედების ვადას. ამასთან, პრეტენდენტის მიერ ავანსის მოთხოვნის

შემთხვევაში, ავანსის ოდენობა რომელიც გამოსახული უნდა იყოს პროცენტებში, არ უნდა აღემატებოდეს ხელშეკრულების ღირებულების 40%-ს. შემსყიდველის მიერ გადახდილი 40%-ის ოდენობის საავანსო გარანტიის თანხის გათავისუფლება განხორციელდება საბოლოო მიღება-ჩაბარების აქტის საფუძველზე, ხოლო დარჩენილი 60% ანაზღაურება მოხდება ეტაპობრივად მიღება-ჩაბარების აქტის გაფორმებიდან 10 სამუშაო დღის განმავლობაში.

7. საავანსოდ გადასახდელი თანხის უზრუნველყოფის საბანკო გარანტია

- 7.1. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან სადაზღვევო კომპანიის მიერ გაცემული გარანტიები.
- 7.2. ავანსის გადახდა შესაძლებელია მხოლოდ მიმწოდებლის მიერ ავანსად გადასახდელი თანხის იდენტური ოდენობის გარანტიის წარმოდგენის შემთხვევაში.
- 7.3. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმონაქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა, აღნიშნულის თაობაზე მიმწოდებელი ვალდებულია უზრუნველყოს შესაბამისი დასკვნის წარმოდგენა, რომელიც გაცემული უნდა იყოს ლევან სამხარაულის სახელობის სასამართლო ექსპერტიზის ეროვნული ბიუროს, სხვა აკრედიტირებული პირის ან დამოუკიდებელი სერთიფიცირებული აუდიტორის მიერ. დასკვნა წარმოდგენილი უნდა იქნას სატენდერო წინადადებასთან ერთად ან სატენდერო კომისიის მოთხოვნიდან 7 სამუშაო დღის ვადაში.
- 7.4. წინააღმდეგ შემთხვევაში მიმწოდებელთან ხელშეკრულების მოქმედება ცალმხრივად შეწყდება და დარჩენილი ნაწილის ანგარიშსწორება აღარ განხორციელდება, რაზედაც მიმწოდებელს შეემდგომში არ ექნება პრეტენზია.
- 7.5. ავანსად გადასახდელი თანხის უზრუნველყოფის გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

8. გარანტია

- 8.1. მიმწოდებლის მიერ ხელშეკრულებით განსაზღვრული მიწოდებული მომსახურების ხარისხი უნდა შეესაბამებოდეს ხელშეკრულებით განსაზღვრულ პირობებს და არსებულ სტანდარტებს.
- 8.2. 8.1. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურების ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

9. ხელშეკრულების შესრულების კონტროლი

- 9.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 9.2. შემსყიდველის მხრიდან ხელშეკრულების შესრულების კონტროლს ახორციელებს დეპარტამენტის მიერ განსაზღვრული კონტროლის განმახორციელებელი ჯგუფი.
- 9.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 9.4. კონტროლი ხორციელდება როგორც შუალედური ფორმით – მომსახურების მიწოდების პროცესში, ისე მისი დამთავრების შემდგომ, მიღება-ჩაბარებისას.
- 9.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შეუსრულებლობისათვის

- 10.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.
- 10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 10.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

11. დაუძლეველი ძალა

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.
- 11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.
- 11.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.
- 11.4. 11.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.
- 11.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

12. ხელშეკრულებაში ცვლილებების შეტანა

- 12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება

ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.4. თუ რაიმე წინასწარ გათვალისწინებულის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულების 13.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად მიღებული საქონლის ღირებულება.

13.4. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 13.1. მუხლით გათვალისწინებული გადაწყვეტილების მიღების განზრახვის თაობაზე.

13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. ხელშეკრულება ძალაში შედის მხარეების მიერ ხელმოწერის დღიდან.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.4. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.7. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.

15.8. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 2 ოქტომბრამდე.

17. მხარეთა რეკვიზიტები

შემსყიდველი:

მიმწოდებელი:

აჭარის ა.რ. განათლების, კულტურისა
და სპორტის სამინისტროს საქვეუწყებო
დაწესებულება სპორტისა და ახალგაზრდობის
საქმეთა დეპარტამენტი
საქართველო, ქალაქი ბათუმი
ლადო გუდიაშვილის ქ. №4
ს/კ 245631400

შპს „მარკა“
დირექტორი ირაკლი ღლონტი
საქართველო, ქ. ბათუმი, ტაბიძის ქუჩა №1 ბინა 40
ს/კ 445394430
ს.ს. „თიბისი ბანკი“
მფო TBCBGE22
ა/ა GE79TB7014136080100004



ლადო ჩავლეშვილი
დეპარტამენტის უფროსი


ირაკლი ღლონტი
დირექტორი

ფასების ცხრილი

№	მომსახურების დასახელება	რაოდენობა	ერთეულის ფასი	სულ (დღგ-ს გათვალისწინებით)
1	თაბახის ფურცელი (A4-პირველი ხარისხის)	4 შეკვრა	9.44	37.76
2	კალამი (წარწერით)	50 ცალი	2.124	106.20
3	ფლიფჩარტი	3 ცალი	17.70	53.10
4	მარკერი	10 ცალი	1.18	11.80
5	ბლოკნოტი (წარწერით) (შიდა გვერდების რაოდენობა 40 გვერდი)	50 ცალი	4.13	206.50
6	მაისური (წარწერით) (ფერი, ზომა, წარწერა შემსყიდველთან შეთანხმებით)	50 ცალი	14.16	708
7	სპორტული და შემეცნებითი თამაშებისთვის ინვენტარი	1 კომპლექტი	413	413
8	ბანაკის გაფორმება - შემსყიდველთან შეთანხმებით	1 კომპლექტი	295	295
9	კეპი (წარწერით) (ფერი, ზომა შემსყიდველთან შეთანხმებით)	50 ცალი	11.80	590
10	შტენდერი (წარწერით. 80X2) - 1 ცალი	1 ცალი	94.40	94.40
11	ტრანსპორტირება (ადგილზე ჩაყვანა-ჩამოყვანა)	57 ადამიანი	47.20	2690.40
12	ლამისთევა - სამკერადი კვებით (საოჯახო ტიპის საშუალო დონის სასტუმრო ან საბანაკე ტიპის პანსიონი)	57 ადამიანი	236	13452
13	ექთანის მომსახურება (არაუმეტეს 300 ლარისა, სამედიცინო სფეროში მუშაობის 2 წლიანი გამოცდილება, გამოცდილების დამადასტურებელი დოკუმენტი, დიპლომი და ცნობა)	1 ადამიანი	354	354
14	ტრენერი (2 წლიანი გამოცდილება, გამოცდილების დამადასტურებელი დოკუმენტი, ცნობა, სერთიფიკატი ან ხელშეკრულება) - 2 ადამიანი. 1 ადამიანის ანაზღაურება არანაკლებ 600 ლარისა (სატრენინგო თემები: ჯგუფში მუშაობა, ახალგაზრდები და სამოქალაქო აქტივიზმი, დონორ ორგანიზაციებთან ურთიერთობა, პროექტის წერა, საზოგადოებასთან ურთიერთობა, მოხალისეობა, კომუნიკაბელურობა, პრეზენტაბელურობა, საჯარო გამოსვლის ტექნიკა)	2 ადამიანი	708	1416
15	ჭიკარტი	4 შეკვრა	2.36	9.44
16	სკოჩი	5 ცალი (პატარა)	1.18	5.90
17	ზადმინტონი	4 ცალი	17.70	70.80
18	ფეხბურთის ბურთი (N 5)	2 ცალი	82.60	165.20
19	ბანაკის ხელმძღვანელის ანაზღაურება - არანაკლებ 600 ლარისა (ხელმძღვანელი შეირჩევა შემსყიდველის მიერ)	1 ადამიანი	708	708
20	ბანაკის ლიდერი - 2 ადამიანი ანაზღაურება- არანაკლებ 350 ლარისა (ლიდერები შეირჩევა შემსყიდველის მიერ)	2 ადამიანი	413	826
21	სერთიფიკატი (წარწერით) შემსყიდველთან შეთანხმებით	55 ცალი	1.18	64.90
სულ				22278.40

ლაშა ჩავლეშვილი
დეპარტამენტის უფროსი

ორგანიზაციის
დირექტორი